

Ujaasineq



... sammisaq toqqaruk ▾

Attaveqarfissat



Amerlunneq

NAPPAAT SUMIIPPA?

Amermi. Amerluut timimi tamarmiissinnaavoq, inersimasunili assanni talinilu, akulaanni, itip eqqaani (taqqat suanngarnerannut atatillugu) kiisalu qaqutigoornerusumik niuni takussaanagerusarpoq. Meeqqani amerluut ikusinni, seeqquni kiinnamilu takussaanagerusarpoq.

NASSIUSSIGIT



PDF-ILIARIUK



EMBED



NAPPAAMMUT SUNA PISSUTAAVA?

Nappaammut suna pissutaarpiarnersoq ilisimaneqanngilaq, inuilli ilaasa amii assigiinngitsunut pissusissamisuumngitsumik qisuariartartut naluneqanngilaq. Tassani saffiugassat, plastikkit ilaat, nerisassat ilaat kiisalu nerisassani mamakujuttunilu qalipaatisiat pissutaasinnaapput. Imaakkajuttarpoq ukiorpassuarni tamakku sapersimangikkaluarlugit tassangaannaq timi qisuariartoq, assersuutigalugu amerlulerluni. Aseruuttoornermut, timip panerneranut ippigiatorneranullu atatillugu aamma amerluttoqalersinnaavoq.

NAPPAAT QANOQ MALUGISSAVIUK?

Amerluutit qanoq ingasatsiginersoq apeqqutaavoq. Amerluut ungilatsitsuaannarpoq, ajorsiartuinnartillunilu ungilannarsiartuinnartarluni. Amivit panerpallaaginnarnera pissutaasinnaavoq, taamaakkaluartoq amit aappaluttunik simertitilersinnaavoq, kiisalu qulluulersinnaallunilu ammasunik ikeqalersinnaavoq.

NAPPAAT QANOQ KATSORSARNEQASSAVA?

Amit panerpallaangisaannassaaq. Immannguaq amerlunneq tarngummik isugutsertitsisartumik katsorsarneqartarpoq, taassuma ameq qitulisittarpaa, assersuutigalugu Carbamid-creme imaluunniit Decubal. Amerluutinut ajornerusunut hormonsalvet (Cortison-salve) peqqinnissaqarfimmit tunniunneqartarput. Amerluut

aseruunneqarpat penicillin atorlugu katsorsarneqassaaq. Iluamilli katsorsaasoqassappat akuutissaq timivit sapigaa nassaarisariaqarpoq, taassuminnga nassaarniarnermik peqqinnissaqarfiup ikiorsinnaavaatit.

NAMMINEQ QANOQ ILIORSINNAAVIT?

Amivit eqqiluitsuutinnissaa qituttuutinnissaalu isumagiuaannassavat. Tarngut amermik qitulisitsisartuq pisiarisinnaavat, soorlu Carbamid-creme. Amerluutinuq tarngutip atornissaanut ilitersuut malittuaannassavat. Illit aamma nammineerlutit eqqumaffiginiarsinnaavat amerluutit sumi qaqugukkullu takkuttarnersoq, kiisalu amerluutit qanoq pissusilersornersoq. Taamaaliernerit akuutissap sapikkavit nassaarineqarnissaanut ikiuutaasinnaavoq. Arnarpassuit meeraanermi nikkellimik akulimmik akikitsunik iveruteqartarput, ilarpassuulu ukiut arlallit qaangiunneranni amerluuteqalersarput. Pitsaasutut siunnersuutigineqarpoq iverutit kuultiusut siilviusullunniit kisiisa atorneqarnissaat.

NUTAARSIASSAQ

19. septembarip 2020

Tikereernermit ullut tallimat qaangiunneranni misissortinnissamut periarfissaq pillugu sapaammi septembarip ulluisa 20-anni paasissutissiisoqarnissaa naatsorsuutigineqassaaq

Nunatsinni Nakorsaaneqarfiup Naalakkersuisullu tusagassiorfinnut nalunaarutaanni tallimangornermi septembarip ulluisa 18-ianneersumi, inunnik pingasunngornermi septembarip ulluisa 16-ianniit nunatsinnut tikittunik misissuinermit tunngasumi ilisimatitsissutaasut, ullut tallimassaanni misissortinnissaq ataasinngornermi septembarip ulluisa 21-anniit periarfissanngussaaq.

NUTAARSIASSAQ

20. septembarip 2020

Ullut tallimassaanni misissortinnissannut illoqarfigisanni peqqinnissaqarfik saffigiuk

Nakorsaaneqarfiup 18. septembarimi innersuusutigisimasaa malillugu ullut tallimassaanni misissortinniaruit illoqarfigisanni peqqinnissaqarfik Napparsimmavilluunniit ulluinnarni nal. 8-16 saaffigineqarsinnaavoq.



PEQQIK.GL PILLUGU



ILINNIARTITAANEQ



SULIAQARTUNUT



INFO IN ENGLISH



NUTAARSIASSAT



VIDEREUDDANNELSE



SAQQUMMERSITAT